

RECTOR ET SENATUS UNIVERSITATIS ROSTOCHIENSIS CIVIBUS ACADEMICIS.

S. P. D.



Magna sunt ornamenta Civitatum, copia rerum ad vitam tuendam necessariarum, opes, ædificia, arma, apparatus; sed alia præstantiora decora sunt nervi Legum, judicia, boni mores, que omnia Gorgias $\Psi\upsilon\chi\eta\nu$ $\pi\acute{o}\lambda\epsilon\omega\varsigma$ rectè appellat, quæ laborante Republ. deficiat ac pessum eat necessum est. Experi hoc est Pænorum nobilissima Civitas Carthago, que armis quidem Romæ superior, at Legum observantia & cultu sequior paulatim elanguit, evuluit & tandem ex hac vel solâ causa, ut Polybius refert, devastata & absumpta perit. Rectè itaq; Heraclytus Ephesius Civis monet, ut non minus pro Legibus, quam pro manibus pugnent, cum absq; Legibus nulla Civitas incolunt esse possit, absq; manibus verò sæpe florens existat. Quod & Plato comprobat, dum eum Civem optimum esse ait, qui nullos triumphos Legum observantiâ gloriosiores duxerit. Unde etiam constitutionem primæ politæ Judaicæ summus ille Nomotheta JEHOVA à Legum rogatione cepit, lapideis eas Tabulis digitis suis insculpsit, inter horribilia fulgura & fulmina promulgavit, sigillo comminationis vindictæ & promissionis gratiæ munivit, ac voluit, ut in manibus, in fronte, in limine domus scriptæ conservarentur, ut perpetuâ earum memoria sui quisq; officii moneveretur. Eodem modo Academia quoq; seu Respublica nostra literaria Imperiali & Pontificiâ auctoritate instituta, plurimis privilegiis dotata, peculiari jurisdictione donata, & à plebe & populo distincta, à Legum rogatione cepit, earundemq; observantia crevit, & in hunc usq; diem, licet variis persecutionum flabris obnoxia, per DEI gratiam viget. Cum autem civis Magistratui, Cicerone teste, incumbat, ut consideret, gerere se personam Reipubl. debereq; ejus decus sustinere, jura describere, & ea; quæ fidei suæ commissa sunt, meminisse: omnino nostrarum partium esse duximus, Leges olim ab Antecessoribus nostris non ex foliis Sybillinis: sed ipso Decalogo depromptas præsentî Academiæ nostræ statui accommodare, quarum Epitomen hac ipsa Charta vobis exhibemus, illiq; juramentum revisum & à vobis omnibus imposturum præstandum subjungimus, ut ita singuli notitiam illarum habeant, & jurejurando ad Observationem Legum & Obedientiam Magistratui debitam obstricti, sciant, se ignorantiam in delictis contra Leges admisisse, prout hæcenus sæpe factum, jure prætereundum non posse.

EPITOME LEGUM

UNIVERSITATIS ROSTOCHIENSIS REVISARUM, QUÆ BIS QUOTANNIS PUBLICE PRÆLEGUNTUR.

- | | |
|--|---|
| <p>I. Pietas precibus & lectione S. Bibliorum exercenda; Fides Catholica Symbolis Oecumenicis comprehensa piè amplectenda.</p> <p>II. Nomen DEI scandalis, perjuriis, execrationibus, blasphemis &c. non prophanandum, nec adeo Vadimonium seu Arrestum sine Rectoris expresso permisso deferendum: sed in hoc fides Magistratui data & jurata servanda.</p> <p>III. Sabbatum sanctificandum, audiendæ conciones, sanctisq; operibus vacandum. Ab omnibus negotiis quibus prophanari dies Dominicus possit, in sacrâ cum primis æde abstinendum.</p> <p>IV. Magistratui Academico, Parentibus, Præceptoribus, fidelibus Verbi divini Ministris (ex quibus unusquisq; certum sibi Confessionarium eligeret, electumq; Rectori nominabit) subjectio, obedientia, gratitudo, reverentia debita præstanda. Legibus, Edictis & Programmatibus publicis quid sive faciendum sive omittendum præscribentibus obtemperandum. Ipsa Edicta in Publicâ Tabulâ reverenter habenda, & nullo modo vel violanda vel refrendenda. Igitur,</p> <p>(1.) Inscriptio in Matriculam Universitatis intra octiduum apud Rectorem veluti caput Academiæ ab omnibus Academiæ Civibus sive petenda, sive, si jam ante peracta sit, docenda, nec intra annum proximum (extra fonticas causas si erit) nec sine studiorum specimine discedendum.</p> <p>(2.) Collegiis, Societatibus, Vinculis & Conventibus Nationalibus contra jurisdictionem, inspectionem & disciplinam Rectoris & Professorum hæcenus institutis, novissimè Edictali Programmate die VII. Martii Anno M. DC. LXII. prorsus abrogatis, omnibusq; adeo exagitationibus tam advenarum quam indigenarum omnino abstinendum: Imperium in Commilitationibus non sumendum, nec malè sumentibus parendum: sed æqualiter ab omnibus & singulis Rector & Senatus Academiæ velut legitimus Magistratus agnoscendus. De cætero Studiosis inter sese ex æquo & decore agendum.</p> <p>(3.) Citato in judicium comparandum & sententiæ parendum;</p> <p>(4.) Studiis diligenter incumbendum & discendum ante quod postmodum docendum. Sedulitati omnia officiorum genera, promotio, commendationes à Nobis promittuntur: Desidia verò & studiosis indigna vita Parentibus, Tutoribus & Patronis significabitur, & debitis modis vindicabitur.</p> <p>(5.) Legibus communis convictorii ejusq; Inspectoribus ab unoquoq; Alumnorum obtemperandum.</p> <p>(6.) Ad Actus publicos, Disputationes, Declamationes, Funerum deductiones invitatis à Rectore vel Professoribus comparandum.</p> <p>V. A cædibus, Vulnerationibus, Provocationibus, Duellis eorumq; ministeriis, nocturnis discursationibus, boatibus, injuriis, vi, fraude, seditiosis tumultibus, ædium oppugnationibus abstinendum.</p> <p>(1.) Bombardæ (ut discretio inter togatam nostram & sagatam militiam sit) nocturnum primis in Civitate nequaquam displodendæ.</p> <p>(2.) Controversia inter Studiosum & Studiosum orta ad Magistratum Academicum, quæ verò Membro Academiæ cum Cive oppidano intercedit ad Tribunal Consulare, salvo tamen Rectoris & Universitatis privilegio, deferenda.</p> <p>(3.) Cum deinceps & ægotantium pauperum Studiosorum & mortuorum curam Rector & Concilium in se recipiat, ad illud pietatis & charitatis opus ab uno quoq; inscripto pro ratione facultatum liberaliter conferendum: Ipsaq; sepulchra à Studiosis popularibus quondam comparata, nec nisi illis dehinc reservanda, sub Rectoris & Concilii auctoritate relinquenda.</p> | <p>VI. Occasiones libidinum & intemperantiæ, morum sermonisq; spurcitiæ, Cauponarum & Oenopoliorum frequentia, helluatio, luxus vestium (cujus nulla deinceps quoad ille ingenuum modestumq; Civem Academicum decet, discretio esto) irruptio non invitatorum in nuptias, excitatio tumultus, omnis luxurians profusio, larvata discursatio, promiscua Chororum Musicorum (qui sine dispensatione Rectoris & Concilii interdicti sunt) usurpatio, gladiatorum pariter indecora gestatio, omnis deniq; petulantia, velut Christiano nedum Cive Academico indigna, procul habenda.</p> <p>VII. A furtis & defraudationibus quibuscumq; cavendum, nec pecunia, nec libri nec quicquam aliud ludendo in alterum transferendum, translatum verò restituendum. Creditoribus tempestivè, Hospitibus verò pro convictu singulis mensibus, pro locatione Muleorum & Lectorum quolibet semestri (nisi aliter convenerit) satis faciendum.</p> <p>VIII. Veritas & simplicitas in omnibus doctrinæ & vitæ partibus amplectenda. Mendaciis, Sophismatibus, calumniis, fictis criminibus, Famosis Libellis abstinendum, nullius innocentis fama lædenda, Legi nulli fraus facienda.</p> <p>IX. Affectus & cupiditates, antecellentiæ imprimis, Opum, Vindictæ, quæ fontes sunt omnium externorum scelerum, avaritia item cæteraq; animorum pestes reprimendæ & compescendæ. Quin potius partes officii sui à docentibus æq; ac discipulis fideliter obundæ, ac decorum ordinis ubiq; servandum.</p> <p>X. Omnes vitiosæ inclinationes & voluptates, securitas, dubitationes, trepidationes in ærumnis, quantum licet, coercendæ, mores deniq; ad normam Legum Decalogi omni studio dirigendi.</p> <p>PRÆMIA retributi debita, obedientibus promittimus.</p> <p>POENAS refragantibus pro ratione delicti decernimus: & ut graviores saltè casus exprimamus.</p> <p>(1.) Transgressoribus atrocioribus Primæ Tabulæ perjuris inprimis, & blasphemis; delinquentibus item circa Secundam Tabulam quoad leges de Collegiis Nationalibus, omnibusq; adeo futuris Schoristis, Studiosos recens adventantes exagitantibus, ære emungentibus, & quocumq; modo ad servitia cogentibus vel indecore tractantibus, & sub jugum quasi retrahentibus, ut & Libellorum famosorum autoribus RELEGATIONEM IN PERPETUUM AD INFAMIAM Usq; nec minus eorundem Coadjutoribus, Arresti item, violatoribus, duellantibus, nocturnum globum ejaculantibus (quod si quis die fecerit, bombardâ privandus) in domibus nuptialibus, Collegiis, Templis aliisve locis publicis tumultus excitantibus, post fidem datam imò juratam ante debitorum solutionem hinc excedentibus, RELEGATIONEM pro gravitate facti AD CERTOS ANNOS DETERMINANDAM decernimus, hac lege atq; omine, ut PRIMÆ CLASSIS Relegationes non confederatis saltem Academiis ad executionem: sed & Serenissimis Patronorum Aulis & Patriæ relegatorum per transmissionem Programmatum typis imprimendorum deinceps intimentur, atq; exclusi in hac nostra in confederatis quoq; Academiis excludantur.</p> <p>(2.) Cæteris Prophanatoribus nominis DEI, Concionum & Sabbati contemptoribus, Inscriptioem ultra octiduum differentibus, Rectori & Professoribus debitam, imprimis ubi citantur, obedientiam non præstantibus, Nationalium aliorumq; prohibitorum actuum approbatoribus, Libellorum famosorum descriptoribus, nocturnis discursantibus & boantibus, provocanti servitium præstantibus, omni deniq; petulantia extra loca sacra & publica pro qualitate facti CARCEREM decernimus.</p> <p>DEUS qui est DEUS fortis Zelota unicuiq; secundum opera sua retribuet: Pietatem quidem infinitâ benignitate compensaturus: Peccata autem & in præsentem vitam & futurâ vindicaturus.</p> |
|--|---|

JURAMENTUM STUDIOCORUM.

EGO. N. JURO, quod vobis Domino Rectori Academiæ Rostochiensis, & vestris in hoc officio successoribus, obedire velim in licitis & honestis. Et quod volo observare statuta, & imposterum per Academiam statuenda, & procurare ac promovere bonum Academiæ, quantum possum & quantum scio, AD QUEM CUM QUO STATUM PERVENIRO.

Juro item, quod Nationalibus Collegiis vel quibuscumq; prohibitis Societatibus penitus velim abstinere, absolutionem nec postulare, nec procurare, & adeo nec pro accessu, nec pro absolutione quicquam sive exigere, sive promittere, sive offerre, sive, etiam ultrò oblatum, admittere, nec sive in alios studiosos imperium sumere, sive tale sibi arrogantibus parere.

Et, si propter delictum per me commissum, aut propter inobedientiam à Rectore, vel Concilio Academiæ mihi mandatum fuerit, ut me pænæ certæ subijciam, aut intra certum diem ex hac urbe & Academiâ discedam, & ante terminum mihi præfixum non revertar, illi mandato absq; contumaciâ parebo: nisi super decrero illo, & termino mihi præfixo, per Concilium, sive per Rectorem mecum fuerit dispensatum.

Nec etiam hinc discedam, nisi prius satisfecerim Creditoribus meis, aut eorum expressam obtinuerim voluntatem.

Utar quoq; vestitu honesto, prout ingenuum & modestum Civem Academicum decet. Promitto deniq; me inhabitaturum sive Academiæ, sive Professorum aliorumve Academicorum domos, nisi ob justas causas, per Rectorem, mecum fuerit dispensatum.

SIC ME DEUS ADJUVET!

ROSTOCHII, Typis JOHANNIS KILII, Acad. Typogr. ANNO M. DC. LXII.